

O b r a z l o ž e n j e

Zakona o izmjenama Zakona o proglašenju dijela područja planine Konjuh Zaštićenim pejzažom „Konjuh“

I Ustavni osnov

Ustavni osnov za donošenje Zakona o izmjenama Zakona o proglašenju dijela područja planine Konjuh Zaštićenim pejzažom „Konjuh“ je sadržan u odredbama člana 24. stav 1. tačka c) Ustava Tuzlanskog kantona, kojim je predviđeno da je u nadležnosti Skupštine Kantona donošenje zakona i ostalih propisa neophodnih za izvršavanje nadležnosti Kantona.

II Razlozi za donošenje

Razlog donošenja predmetnog Zakona je potreba da se granice Zaštićenog pejzaža „Konjuh“ koriguju na način da se obuhvate prostori sa novim vrijednostima, a isključe prostori za koje je procijenjeno da nemaju vrijednost zaštićenog pejzaža, te da se preciznije odrede mjere zaštite u zaštićenim zonama.

III Obrazloženje pojedinih odredaba

Članom 1. propisano je da se u Zakonu o proglašenju dijela područja planine Konjuh Zaštićenim pejzažom „Konjuh“ („Službene novine Tuzlanskog kantona“, broj: 13/09 i 8/14), u članu 3. stavu (4) broj „8.139,77“ zamjenjuje brojem „8.707,00“.

Članom 2. izmijenjen je član 4. Zakona na način da su određene nove granice Zaštićenog pejzaža „Konjuh“.

Članom 3. izmijenjen je član 6. stavovi (1), (3), (4), (5) i (7) Zakona na način da su određene nove površine prve zaštićene zone Zaštićenog pejzaža „Konjuh“.

Članom 4. izmijenjen je član 8. stavovi (1), (2), (3) i (4), te brisani stavovi (5) i (6) Zakona na način da su određene nove površine druge zaštićene zone Zaštićenog pejzaža „Konjuh“.

Članom 5. izmijenjen je član 10. stavovi (1), (3) i (4) Zakona na način da su određene nove površine treće zaštićene zone Zaštićenog pejzaža „Konjuh“.

Članom 6. izmijenjen je član 12. Zakona na način da su određene nove mjere zaštite u prvoj zaštićenoj zoni.

Članom 7. izmijenjen je član 13. Zakona na način da su određene nove mjere zaštite u drugoj zaštićenoj zoni.

Članom 8. izmijenjen je član 14. Zakona na način da su određene nove mjere zaštite u trećoj zaštićenoj zoni.

Članom 9. propisano je da se u članu 16. stavu (1) tačka f), u članu 23. stavu (1), u članu 24. stavovima (2) i (4) i u članu 27. stavu (2) riječ: „Upravitelj“ u različitim padežima, zamjenjuje riječima: „Javna ustanova“ u odgovarajućim padežima, dok je stavom (2) propisano da se u članu

16. stavu (1) tačka n), u članu 17. stavu (1) tačka l), u članu 18. stavu (1) tačka j) i u članu 20. riječi: „Zaštićeni pejzaž „Konjuh“ brišu.

Članom 10. propisano je da se u članu 22. stav (1) mijenja na način da Javna ustanova donosi Pravilnik o unutrašnjem redu unutar područja Zaštićenog pejzaža, uz saglasnost Ministarstva prostornog uređenja i zaštite okolice Tuzlanskog kantona.

Članom 11. propisano je stupanje na snagu predmetnog Zakona.

IV Finansijska sredstva

Za provođenje ovog Zakona nije potrebno obezbjeđenje dodatnih finansijskih sredstava.

P R E D L A G A Č

Vlada Tuzlanskog kantona